

Boletín Mensál Governasaun Lokál

Volume III, Edisaun 8
Novembru-Dezembu 2010

Governu Lokál Xave Dezenvolvimentu Lokál

BENEFISIARIU PDL KO'ALIA KONABA IMPAKTU SERBISU SOSIAL

Aileu, Novembru 2010 - Programa Dezenvolvimentu Lokal tradisionalmente prioritiza serbisu sosial nudar xave rezultadu kona ba prosesu desentralizasaun ida nebe susesu. Iha 2010, total projetu liu husi prosent 50 maka aprova no implementa ona, projetu hirak ne'e foka liu ba iha setor hanesan edukasaun, saúde bee mos no saneamnetu, fornese ona progresu konkretu ida ba hadia vida moris komunidade nian.



Adriana nudar parteira ida iha suku Maumeta, iha Distritu Aileu. Hahu husi FEVEREIRU 2010 nia hetan fiar hodi hala'o serbisu iha uma ba inan partu nebe harii iha 2009 liu husi

orsamentu Programa Dezenvolvimentu Lokal ho total orsamentu Dolares Amerikanu 13.000.00. Feto liu husi 80 maka ba partu iha uma ba inan partu ne'e, hahu husi fulan FEVEREIRU wainhira loke, halo mudansa signifikante ba iha Aldeia hamutuk 13, nebe uluk laiha asesu ba atendimentu hanesan ne'e. "antes de halo konstrusaun ba uma inan partu ne'e hau organiza enkontru balun ho komunidade no lider komunidade – haktuir Adriana- , hodi promove inisiativa ne'e, tan hau hanesan parteira mesak ida nebe serbisu hodi atende ema 5.000 liu iha area ne'e".

"Uluk hau sempre la'o husi suku ida ba suku seluk, hodi fo assistensia ba feto sira nebe partu, no iha momentu ne'eba defisil tebes, tan kuanu ha'u la'o sai tiha husi postu saude, pasienti barak maka tenki mai hein ha'u ho kleur tebes. Maibe desde uma ba inan partu ne'e harii, komunidade dereitamente mai iha fatin ne'e", maske uma ba inan partu ne'e kumpletamente funsioana ona – Adriana haktuir tan katak- ami sei inferenta hela problema bee mos, tanba ne'e tinan oin hau sei apresenta tan poposta projetu adisional ida ba Assembleia Lokal no hein katak sira bele ajuda".

Tuir regulamentu PDL, ba kada projetu nebe aprova presiza iha akordu ida ho liña ministeriu sira hodi garante katak komponente operasaun no mantensaun tenki tau iha konsiderasaun. Regulamentu integradu PDL-PDD, nebe espera kata atu halao iha tinan oin sei responde ba problema hanesan ne'e.

Iha Sub-distritu Laulara, Aileu, rehabilita uma eskola ida ho Fundu Dezenvolvimentu Lokal 2009, ho kustu la liu husi 13.000.00 Dolares Amerikanu. Sala eskola nebe rame tebes ho estudante no tuan ona no mos facilidade menus afeta tebes ba funsionamentu eskola ho diak , tanba ne'e maka komunidade hato'o proposta hodi hadi'a. Partisipasaun komunidade nebe ativu ne'e importante tebes hodi identifika problema no prioridade, hodi submete proposta projetu no hodi aselera prosesu implementasaun, hodi nune sira maka sai beneficiariu rasik, sira maka mobiliza rasik no sia maka sai implementador ativu ba projetu. **Francisco** nudar estudante ida iha eskola sekundariu ne'e : "Hau eskola iha eskola ida ne'e tinan tolu ona, maibe hau sente la haksolok ho kondisaun uma eskola ne'e tanba ami tenki fahé klase ida ba estudante 50 liu. Ho rehabilitasaun uma eskola ne'e hau hein katak iha futuru ami nia alin sira nebe atu mai eskola iha ne'e sei la infrenta situasaun



hanesan. Ida ne'e sei ajuda sira hodi kontente mai eskola, no hetan benefisii husi atividade aprendizazen". **Aurelio** Martins hanesan professor eskola sekundariu "Hau sente orgulhu ho ami nia lider lokal sira, xefe suku no Administrador Sub-Distritu, sira hato'o ona ami nia nesesidade no nia rezultadu maka ne'e, ema hotu bele haree".

PREFIL DISTRITU AILEU



Distritu **Aileu** kompostu husi sub-distritu 4: Aileu Villa, Remexio, Liquidoe no Laulara, ho total populasaun 36,369, prosent 50 husi total ne'e maka hela iha Aileu Villa. Iha suco ofisial 31.



Desentralizasaun

Informasaun Badak

Aktividade iha Janeiru:

- Avisu Fundus Dezenvolve Local 2011
- Assesmento condisaun minimu Assembleia Local nian
- Revisaun regulamentu integrado LDP-DDP



Ministério da
Administração
Estatal e Ord. do
Território

Rua Jacinto Candido
Dili, Timor-Leste

Tp: 3317207

E-mail:

comunicacao.maeot@gmail.com

Suporta hosi:

Programa Apóiu Governasaun Lokál




Ministério da Administração Estatal
e Ordenamento do Território
iha website ona!



2010 HANESAN MARKA ISTORIA SUSESU BA PROGRAMA APOIU GOVERNASAUN LOKAL

2010 marka ona estoria ida konaba espansaun Programa Dezenvolvimentu Lokal (PDL) ba iha distritu 13 iha nasaun ne'e, agora inklui mos ona Distritu Viqueque, Ermera no Oe-cusse. Dili no Liquica hahu ona prosesu planeamentu iha 2010, tuir treinamentu ho mata dalan PAGL/LGSP nian no sei simu alokasaun orsamentu ba primeira vez iha 2011.

Hahu hanesan programa pilotu iha distritu 4 iha 2007, tinan tuir mai PDL habelar tan ba distritu 8 hodi kobre populasaun prosentu 51. Objetivu prinsipal maka hodi koko prosedimentu foun nebe aplika ba planeamentu, jestaun finansa no aprovizionamentu lokal, implementasaun no foti desijaun kona-ba prestasaun serbisu. Iha 2010 Assembleia Lokal halo susesu hodi implementa no superviziona projetu eskalaun ki'ik ho orsamentu total million \$2, no ho fundus mais ou menus \$14.319 ba kada projetu. Kompára ba 2009-2010, ida ne'e interesante hodi hatene konaba kresimentu husi projetu infraestrutúra husi 20% to 36 %husi total investimentu atual, no mos kresimentu nesidade ba setor bee mos no saneamentu, nebe liu husi 14% to'o 26%. Projetu nebe relaciona ho edukasaun tun husi 39%to'o 26% ho espetaun ida sei kuintina ho modelu ida ne'ebe hanesan iha 2011. Setor hirak hanesan Agrikultura no Saude la apresenta mudansa nebe substantivu, sae entre 7% to'o 10%. Mudansa hirak ne'e hotu refleta desizaun autonomia husi Assembleia Lokal, nebe representante husi konsellu suku sira maka ativu halo papel ida ne'e. Iha inisiu 2011, sei iha ekipa avaliaun konjuntu ida sei ba halo




avaliasaun kondisaun minimu hodi avalia jestaun ba projetu sira nebe implementa husi Assembleia Lokal, hodi sukat akontabilidade, transparansia no kontribuisaun lokal ba projetu sira nebe implementa. Pela primeiraves ekipa avaliaun sei kompostu ho estudante husi universidade, NGO lokal, sira sei serbisu hamutuk ho PAGL/LGSP no MAEOT

Avaliasaun nee partikularmente importante tanba ida ne'e hanesan pre-kondisaun ida ba distritu hodi bele hetan alokasaun Fundu Dezenvolvimentu Lokal iha tinan oin mai.

Iha inisiu tinan oin, Ministru Arcanjelo Leite sei ofisialmente halo anunsio konaba alokasaun Fundu Dezenvolvimentu Lokal, ho esperansa ida katak sei iha aumenta ba fundu PDL nian. Ho lao ba futuru aprosiamasaun ida nebe integradu konaba planeamentu no implementasaun projetu, regulamentu foun konaba PDL-PDD espera sei finaliza no halo lansamentu iha tempu badak, ho objetivu hodi harmoniza mekanismu projetu governasaun lokal. Regulamentu foun hirak ne'e ho intensaun hodi responde ba eijensia kona ba simplifikasaun ida husi prosedimentus planeamentu no submisaun nebe hato'o husi comunidade lokal.

% of the number of Project per Sector for FY 2009 and 2010



RONA AMI NIA PROGRAMA RADIO MENSAL "Dezenvolve ho desentralizasaun"

IHA DILI: RADIO RAKAMBIA, FM 99.5 Mhz

NO IHA RADIO KOMUNIDADE I6 IHA TIMOR-LESTE